



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

8. Qui Sancti, in quibus morbis aliter & rectê inuocentur?

**urn:nbn:de:hbz:466:1-45701**

Pari modo infinitum negotium esset, miracula sanitarum, à ceteris Sanctis, eorumque imaginibus, templis, reliquijs obtenturum colligere; & utique vnus codex, quantumuis ingens, ea non caperet, quæ in tot voluminibus testatissimè narrantur. Nulla ferè est vita Sancti vltius, quæ eiuscemodi historijs non abundet; & vel ea, quæ de S. Stephano à S. Augustino recensentur, suprâ à nobis citata, multas paginas implent. Rectè S. Ioan. Damascenus Sanctorum reliquias appellauit *fontes salutiferos, ex quibus plurima ad nos beneficia manent, suauissimumq; unguentum profluat.* Ut de ceteris taceam, Thomas Fazellus testatur, ad solum D. Philippi Apostoli sepulchrum, quotannis in Sicilia plurimos energumenos diro hospite liberari; ac Anno quidè 1541. ducentas feminas diabolica seruitute fuisse solutas. Eamdem virtutem attribuit Rupertus Tuitiensis Abbas, S. Heriberti Colonienfis Episcopi sepulchro, & Wertenses Monachi S. Lutgero Monasterienfi Episcopo; & Albinus Flaccus S. Richario. *Quod idem hodie cernimus fieri, in Belgio, vt in Brabantia Gela, ad S. Dymna ossa, & Rothnaco Flandria, ad reliquias D. Hermetis,* ait Ioan. Busæus. Ac, ne longiùs eamus, in vicinia nostra, hoc est, in Monte sancto, Andex dicto, quot, & quanta, singulis annis, annotantur, & (more antiquo, quem S. Augustinus laudans ipse vsurpauit) publicè peregrinis illuc vndique, vel voti, vel pietatis causa, confluentibus miracula sanitarum recitantur? Enimverò, ne extra urbem ire necesse sit, quàm multa & luculenta, dum ego hic Monachij versor, vel in crypta Beatissimæ Virginis, vel ad S. Bennonem, vel etiam ad aram & lampadem S. Ignatij Loyolæ miracula contigerunt? Quid, quòd ferè singuli casus, singuli morbi, singula membra suos habent patronos? In periculis fluminum, non solum S. Petrus, aut S. Paulus, sed etiam S. Nicolaus, S. Claudius, S. Franciscus Xauerius; quin in primis etiam *maris stella* MARIA inuocatur vtiliter. In periculis incendiorum, S. Florianus; Aère infecto, & pestilentia grassante, S. Sebastianus, S. Adrianus, S. Antonius, S. Rochus, S. Carolus Borromæus, S. Rosalia: In alijs febribus D. Petrus, & S. Genouefa: In doloribus oculorum, S. Lucia, & S. Ottilia: In dentium cruciatu, S. Apollonia: In angina S. Wigbertus: Si officulum

Kkk

vel

VIII.

S. Ioan. Damascen. li. 4.  
de orthod.  
fid. cap. 2.

Rupert. in vita S. Heriberti. cap. vit.  
Wertens. l. 3.  
vit. S. Lutgeri Abin. in vit. S. Richarij.

Ioan. Busæus in Panario. verb. beneficia.

S. Augustin. lib. 22. de ciuit. cap. 8.

442 Cap. XL. Vigesima prima morb. causf. varia opera pietatis.  
vel spina in faucibus hæsit, S. Blasius: In gangræna, siue cancro,  
S. Agatha: In calculo & renum doloribus, ac hernia, S. Drogo: In  
puerperio S. Ignatius Loyola: Deniq; in his & alijs morbis Diui,  
quos hac ipsa de causa Auxiliatores, maiores nostri nominaue-  
runt. Horum aliorumque Sanctorum auxilia tam sunt multa,  
vt non possint numerari; tam manifesta, vt nequeant negari.  
Ob quem fructum, meritò laudanda & imitanda est SS. Patrum,  
Nectarij, Ephrem, Nazianzeni, Nysseni, Ambrosij, Chrysofomi,  
Hieronymi, Augustini, aliorumque, & totius Ecclesiæ vetus con-  
suetudo, dicentium *S. Maria, ora pro nobis. S. Petre ora pro nobis;*  
ceterosque Sanctos, in quacumque necessitate, atque etiam ex-  
tra necessitatem, inuocantium. Certè è Scripturâ constat, pium  
ac vtile esse, inuocare Sanctos in hac vita existentes; quod ipse  
Paulus fecit: *Orationi instate, orantes simul & pro nobis: item, Fra-*  
*tres, orate pro nobis, vt sermo DEI currat, & clarificetur.* Si pium  
& vtile est inuocare istos, cur non etiam illos, qui cum Christo  
regnant? Si non est injuriosum Christo & Deo, inuocare mor-  
tales, cur sit injuriosum, inuocare immortales? An plus possunt  
in terris militantes, quàm triumphantes in celo? Si inuocare,  
Sanctos in terra, non est diffidere Deo & Christo, cur est diffi-  
dere Deo & Christo, inuocare Sanctos in celo? Si veteris Testa-  
menti animæ vel in limbo, vel in inferno existentes nō sciuerunt,  
quid apud viuos ageretur, non tamen consequens est, etiam illos,  
qui iam cum Christo regnant, id ignorasse. Ac sanè tot & tam  
manifesta eorum beneficia clarè ostendunt, nec latere eos no-  
stras preces, neque preces nostras frustra ad eos fundi.

IX.

4. Itaque vel hinc constat, tria bonorum operum genera,  
in morbis vtilia esse remedia, orationem, jeiunium, & eleemo-  
synam; siue orationes ad Deum ipsum, siue ad Sanctos dirigan-  
tur. De oratione satis dictum est, cùm & inuocatio Sanctorum,  
sit oratio. Sed nominatim hoc in morbis pharmacum esse adhibi-  
tum, ostendit D. Chrysofomus, qui Monachorum suorum in-  
stituta recensens ait: *Quòd si quis infirmatus fuerit, non lamenta,*  
*non lachryma, sed perpetua funduntur preces. Non ibi medicorum*  
*operatur manus, sed fides sape sola sanauit infirmum. Nempe & si*  
*opus fuerit medicis, magna & hic ostenditur Philosophia, ingensq;*  
*ostendi.*

S. Chrysof.  
hom. 14 in  
1. Tim.

Coloff. 4. 2.  
2. Theff. 3. 1.